

Jun alaj ucholajil ri Estados Unidos: ruxik ruk' Hawai

1826: ri Estados Unidos xuya uk'olib'al ri Amaq' ub'i' Hawai jas jun tinamit ri utukel kurilij rib'.

1893: ri ajch'ojab' rech Estados Unidos xe'ok pa Hawai xab'i xakikoj pa kitzij chi ekolonel che ri utzwachem rech ri jun amaq' k'o jela' ajsik. Ri Taqo'n rech ri Estados Unidos xu paqab'a ri usu'til ramaq' chupam ri amaq' ub'i' Hawai xuquje' xuq'alajsaj apanoq ri ukolonik pa uwi' ri jun ch'aqap ulew ri k'o chupam ri nim palo ub'ii' Hawai. Tek'uri', ri taqanelab' rech Estados Unidos "xakito' ri Ajaw Ixoq ub'i' Liliuokalani, cha' kel apanoq" (chasik'ij lal ri ch'a'nik xub'an ri Ajaw Ixoq pa ri <http://www.kanakamaolipower.org/history.php>).

1898: ri Estados Unidos xub'an rech che ri rulewal ri amaq' Hawai, "jastane' jun utaqanik q'atb'altzij", necher man k'o ta jun chike taq ri ucholajil xb'anik, jas ri wuj che unuk'ik jun amaq' ruk' jun chik, ri tajin wi kujuch', nab'e kanoq, arechi' xnuk' ri Luisiana, Florida, Tejas xuquje' jub'an ulewal chik. Chupam ri ub'elya'l ri taqanik chikixo'l taq ri amaq', jun amaq' **man** kuya' **taj** kunuk' rib' on ku paqachi'j apan utukelal we man k'o ta jun wuj ri jikom b'anom che ujuch'ik.

1959: ri taqanelab' rech Estados Unidos xesik'in apan che jun qasantzij, che reta'maxik we ri e aj Hawai kakaj kak'uji' na ri kolonik pa uwi' kulewal on are kakaj kanuk' apan ri ki'amaq' jas jun uch'aqapil chik ri jun nim amaq'. Cha utz kel cho kiwach xuquje', tzajewi, cha' utz chike, ri taqanelab' rech Estados Unidos xakixalq'atij kan ri urox utas ri jun Wuj rech ri Naciones Unidas, ri kuk'otij kitzij ri tinamit aj Hawai we are kakaj kitukel kilij kib'. Are b'i xetob'an ri man taqal ta chike, xumal che xe'ok pa qasantzij ri 10,000 ajch'ojab' rech Estados Unidos ri etak'atoj chupam Hawai, xa je ri' xakiriqa' ri unimal ri qasantzij cha' ri Hawai kux juperaj che ri Estados Unidos, jas ri ukawinaq lajuj ramaq'il.

Kamik: k'a chanim ri', ri amaq' Hawai are ri jun rulewal ri Estados Unidos ri qas je'l na. Necher, ri taqanelab' rech Estados Unidos tajin wi kutz'apij apan kichi' ri winaq aj Hawai ri kakaj kakitas kib' kitukel, necher ¿jumpa lo q'ij kuch'ij na?

Ri winaq aj Estados Unidos ronojel q'ij kakib'an kinimal: “jUj wa' ri jun amaq' ri qas nim qakowinem ri qas jikom kaqab'an che ri q'atantzij cho Uwachulew!”

K'o na uwi', chupam ri Ya'ontzij cho ri usu'til amaq', kak'ut cho kiwach ri ak'alab', kakib'ij: “...ruk' tzoqopinem xuquje' jikom q'atantzij chike konojel!”

Tzaliyen tzij rech ri utinamit Hawai: **jHawai man rech ta ri Estados Unidos xuquje' man je ta na!**

Jas ri junam ruk' nik'yaj amaq' chik ri kakaj kitukel kilij kib'? K'ya. Cho ronojel uwach ulew, k'ya taq amaq' ri e'okinaq jub'an taq winaq chik chupam kakich'ojij kitukelanem. Yare', xuquje', kakib'ij ri' jas kakib'an ri ajch'ojab' e'okinaq kuk' xaki tzolq'omij on xakiso'raj ri taqank chikixo'l taq ri amaq', che kixukule'xik kiwinaqil. Ri winaq aj Hawai kakaj kakik'ut apan jun k'utinik ri tajin wi k'o chila' pa ri jun ch'aqap ulew ub'i' Kauai, ri kab'ix che "ri jun ch'aqap ulew ri ko rij uwi'", cha' ri solinelab' kepe cho ronojel uwach ulew kaketa'maj taq kicholajil xuquje' usu'til ki'amaq'. Tza je wi, ri upam ri jun k'utinik ri' k'o apan chupam ri

Nimk'at xuquje' kaq'axex na chupam jub'an taq ch'ab'al chik.

Che reata'maxik rij ri utukelanem ri amaq' Hawai chasolij lal ri www.kanakamaolipower.org xuquje' ri www.thelawfulhawaiigovernment.org